

Caida di Natural Bridge no ta un acto di terrorismo

DOW ta haciendo un investigation di e caida di Natural Bridge, mas bien pa exclui cu si esaki por ta un trabou terrorista, asina ing. Jossy Figaroa, Director di DOW a duna di conoce. A haci e investigacion aki riba peticion di Minister di Infraestructura, drs. Marisol Lopez-Tromp.

Maske cu ainda e investigacion no ta cla, pero tin tur indicacion te awor, cu no tin nada di haci cu terrorismo, y DOW ta kere mas bien cu esaki ta un obra di nos naturalesa. Mester bisa, cu maske cu e Natural Bridge a cai, e ta sigi hala mirones, tanto local como internacional. Di acuerdo cu ing. Jossy Figaroa, hecho ta, cu e caida aki di nos Puente Natural, tin tur, pero tur Arubiano masha tristo mes. Esnan cu bishita e lugar, hasta ta



ing. Jossy Figaroa

yena cu emocion. Contra naturalesa, nada por ser haci y según ing. Jossy Figaroa, tur hende ta tristo, pero e

tabata algo cu tog un dia lo tuma lugar. Pasobra si cana banda di oriya di costa norte di Aruba, por mira masha parti

di baranca a cai. Y asina no mucho tempo pasa, un gran parti grandi di Boca Mahos a cai, matando dos hende. Pues e no ta nada nobo, y naturalesa ta haciendo su trabou. Ing. Jossy Figaroa mes no ta kere cu por restaura e brug aki, maske cu el a haya hopi oferta, pero e mes no ta kere den esei, pero tur posibilidad mester ser sondea pa despues gobierno tuma un decision kico lo bai haci cu Natural Bridge. Punto di bista di DOW ta, laga e brug manera e ta y podise por pone un borchí grandi pa muestra cu e tabata y con e ta awe y asina nos turistanan por mira kico naturalesa ta haci cu nos na Aruba tambe. Pero lo ta bon pa papia cu tur hende involvi, diferente grupo y instancia, prome di tuma e decision final, según ing. Jossy Figaroa.